

**KOMISIJA ZA TUMAČENJE I PRAĆENJE PRIMJENE  
KOLEKTIVNOG UGOVORA ZA SLUŽBENIKE ORGANA UPRAVE I SUDSKE VLASTI  
U FEDERACIJI BOSNE I HERCEGOVINE**

Na osnovu člana 71. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj: 98/23), Komisija za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Komisija), povodom zahtjeva Sindikalne organizacije sudovi i tužiteljstva ŽZH broj 23/25 od 29.04.2025.godine za tumačenje odredbi članova 1. i 72. Kolektivnog ugovora za službenike organa uprave i sudske vlasti u Federaciji Bosne i Hercegovine, na 12. sjednici Komisije održanoj dana 20.5.2025. godine, donosi:

**ODLUKU**

o tumačenju odredbi čl. 1.i 72. Kolektivnog ugovora za službenike organa uprave i  
sudske vlasti u Federaciji Bosne i Hercegovine

**I**

Utvrđuje se tumačenje odredbi člana 1. i 72. Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Kolektivnog ugovora), kako slijedi:

“Budući da je sindikalna organizacija članica Sindikata, a uvažavajući činjenicu da Vlada još uvijek nije pristupila Kolektivnom ugovoru, predlaže se Vladi i Sindikatu da u cilju zaštite prava koja proizilaze iz Kolektivnog ugovora pristupe pregovorima oko pristupanja navedenom Kolektivnom ugovoru u potpunosti ili djelimično.”

**II**

Ova odluka primjenjuje se na sve organe i institucije iz člana 72. Kolektivnog ugovora, čija je sindikalna organizacija članica reprezentativnog sindikata Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine (u daljem tekstu: Samostalni sindikat).

**III**

U skladu sa odredbom člana 71. stav 6. Kolektivnog ugovora, ovu odluku su dužne poštovati sve ugovorne strane ugovora.

**IV**

Ova odluka će se dostaviti podnosiocu zahtjeva i Samostalnom sindikatu putem Federalnog ministarstva pravde.

## OBRAZLOŽENJE

Komisiji je dostavljen zahtjev Sindikalne organizacije sudovi i tužiteljstva ŽZH broj: 23/25 od 29.04.2025. godine za tumačenje odredbi članova 1. i 72. Kolektivnog ugovora za službenike organa uprave i sudske vlasti u Federaciji Bosne i Hercegovine, odnosno da li se odredbe Kolektivnog ugovora primjenjuju na državne službenike i namještenike zaposlene u pravosudnim institucijama.

Odredbom člana 72. Kolektivnog ugovora utvrđeno je da se odredbe ugovora primjenjuju na sve organe državne službe u Federaciji i sudske vlasti, upravne organizacije, kazneno popravne zavode, službenike sudske policije, javne ustanove iz oblasti rada i zapošljavanja, penzijsko-invalidskog osiguranja, zavoda zdravstvenog osiguranja i druge javne ustanove na svim nivoima vlasti u Federaciji BiH čije je sindikalna organizacija članica reprezentativnog Samostalnog sindikata.

Komisija je uvidom u dostavljenu dokumentaciju utvrdila da je Sindikalna organizacija sudovi i tužiteljstva ŽZH, članica reprezentativnog Samostalnog sindikata državnih službenika i namještenika u organima državne službe, sudskoj vlasti i javnim ustanovama u FBiH, te da Vlada ŽZH još uvijek nije pristupila Kolektivnom ugovoru za službenike organa uprave i sudske vlasti u Federaciji Bosne i Hercegovine.

Shodno navedenom, utvrđeno je tumačenje odredbi člana 1. i 72. Kolektivnog ugovora, kao u tački 1. ove odluke.

S obzirom da je odredbom člana 72. Kolektivnog ugovora utvrđena primjena istog u odnosu na organe i institucije na koje se ovaj kolektivni ugovor primijenjuje, utvrđeno je kao u tački 2. ove odluke, dok je u tački 3. utvrđeno da su ovu odluku dužne poštovati sve ugovorne strane ugovora, a u skladu sa odredbom člana 71. stav 6. Kolektivnog ugovora.

Ova odluka će se dostaviti podnosiocu zahtjeva i Samostalnom sindikatu putem Federalnog ministarstva pravde, tj. na način kako je utvrđeno tačkom 4. ove odluke.

Broj: 01-714-51/25

Sarajevo, 20.05.2025. godine

Članovi Komisije za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine




Vedran Škobić



Bojana Todorović



Samir Kurtović



Haris Karačić